

ახმეტის მუნიციპალიტეტის საკრებულოს

ბიუროს სხდომა

ოქმი №6

ქ. ახმეტა

14 მარტი, 2018 წელი

თავმჯდომარეობდა:

რამაზ ბალაკაშვილი-ახმეტის მუნიციპალიტეტის
საკრებულოს თავმჯდომარის მოადგილე

ბიუროს სხდომას ესწრებოდა:

ა.ბუღრიძე, ლ.ითიურიძე
ა.მექვევრიშვილი, შ.ტერტერაშვილი
ა.შათირიშვილი, დ.იმერლიშვილი
ბ.ჭიჭიკლიშვილი, ნ.ალავიძე,
თ.ბოდაცელი

სხდომა გაიხსნა 11^თ სათზე.

სხდომის თავმჯდომარე რ.ბალაკაშვილმა გახსნა სხდომა და ბიუროს წევრებს გააცნო დღის წესრიგი.

დღის წესრიგი:

- „მერების შეთანხმება კლიმატისა და ენერგეტიკისთვის“ ხელშეკრულების ხელმოწერაზე ახმეტის მუნიციპალიტეტის მერისთვის თანხმობის მიცემის შესახებ;

/მომხსენებელი - დავით აბულაძე/

- „ახმეტის მუნიციპალიტეტის საკუთრებაში არსებული, ქ. ახმეტაში ჭანტიურიას (ყოფილი ლესელიძე) ქუჩაზე მდებარე 3905 კვმ არასასოფლო სამეურნეო დანიშნულების მიწისა და მასზე მდებარე შენობის (კულტურის სახლი) ა.ა.ი.პ “ახმეტის მუნიციპალიტეტის კულტურის ცენტრისათვის“ პირდაპირი განკარგვის წესით, უსასყიდლო უზუფრუქტის ფორმით გადაცემის თაობაზე თანხმობის მიცემის შესახებ;

/მომხსენებელი - თინათინ კუდიანაშვილი/

ბიუროს სხდომის თავმჯდომარემ კენჭი უყარა დღის წესრიგის მიღებას

9 - მომხრე;

1 - წინააღმდეგი;

(შ.ტერტერაშვილი)

მოისმინეს: „მერების შეთანხმება კლიმატისა და ენერგეტიკისთვის” ხელშეკრულების ხელმოწერაზე ახმეტის მუნიციპალიტეტის მერისთვის თანხმობის მიცემის შესახებ;

მომხსენებელმა ბიუროს წევრებს გააცნო საკითხი: აღნიშნული ხელშეკრულებით ადგილობრივი თვითმმართველობის ორგანო 2030 წლისათვის ვალდებულებას იღებს: მინიმუმ 30%-ით შეამციროს CO₂-ის (და სხვა სათბური აირების) ემისია საკუთარი ტერიტორიიდან, ენერგოეფექტურობისა და ენერგიის განახლებადი წყაროების ათვისების ღონისძიებების საშუალებით; კლიმატის ცვლილების შედეგებთან შეგუებით აამაღლოს მუნიციპალიტეტის მედეგობა. მოამზადებს საბაზისო ემისიების ინვენტარიზაციას და შეაფასებს კლიმატის ცვლილებით გამოწვეულ რისკებს და მოწყვლადობას;

საკურებულოს გადაწყვეტილების მიღებიდან ორი წლის ვადაში მუნიციპალიტეტმა უნდა წარადგინოს მდგრადი ენერგეტიკისა და კლიმატის სამოქმედო გეგმა და კლიმატის ცვლილების შერჩილებისა და შეგუების ღონისძიებები ასახოს შესაბამისი ადგილობრივი პოლიტიკისა და სტრატეგიის დოკუმენტებში თუ გეგმებში; გეგმის წარდგენიდან ყოველ ორ წელიწადში, წარადგენს შუალედურ ანგარიშს.

შ.ტერტერაშვილმა აღნიშნა: საკითხის გადაწყვეტაში საკურებულოს თანხმობა არ არის საჭირო. მერი უფლებამოსილია ხელი მოაწეროს ხელშეკრულებას და შესაბამისად, განახორციელოს აღნიშნული საქმიანობა.

სხდომის თავმჯდომარემ კენჭი უყარა საკითხის საკურებულოს სხდომაზე გატანას

9 - მომხრე;

1 - წინააღმდეგი;

(შ.ტერტერაშვილი)

მოისმინეს: „ახმეტის მუნიციპალიტეტის საკუთრებაში არსებული, ქ. ახმეტაში ჭანტურიას (ყოფილი ლესელიძე) ქუჩაზე მდებარე 3905 კვმ არასასოფლო სამეურნეო დანიშნულების მიწისა და მასზე მდებარე შენობის (კულტურის სახლი) ა.ა.ი.პ “ახმეტის მუნიციპალიტეტის კულტურის ცენტრისათვის“ პირდაპირი განკარგვის წესით, უსასყიდლო უზუფრუქტის ფორმით გადაცემის თაობაზე თანხმობის მიცემის შესახებ;

მომხსენებელმა ბიუროს წევრებს გააცნო განკარგულების პროექტი: პირდაპირი განკარგვის წესით, ახმეტის მუნიციპალიტეტის საკუთრებაში არსებული, ქ. ახმეტაში ჭანტურიას (ყოფილი ლესელიძე) ქუჩაზე მდებარე 3905 კვმ არასასოფლო სამეურნეო დანიშნულების მიწისა და მასზე მდებარე შენობის 1560 კვ.მ ფართიდან 1343.3კვ.მ (კულტურის სახლი) ფართი, ა.ა.ი.პ “ახმეტის მუნიციპალიტეტის კულტურის ცენტრისათვის“ ხუთი წლის ვადით, უსასყიდლო უზუფრუქტის ფორმით გადაცემის შესახებ (განმარტებითი ბარათი თან ერთვის ოქმს).

შ.ტერტერაშვილმა პროექტთან დაკავშირებით აღნიშნა, რომ სამართლებრივად გაუმართავია. პრეამბულაში არ ჩანს საკრებულოს უფლება ქონების გადაცემაზე ა.ა.ი.პ-ებისათვის, რასაც მომხსენებელი დაეთანხმა და პროექტის შესწორებული ვარიანტი წარმოადგინა.

სხდომის თავმჯდომარემ კენჭი უყარა საკითხის საკრებულოს სხდომაზე გატანას

9 - მომხრე;

1 - წინააღმდეგი;

(შ.ტერტერაშვილი)

სხვა წინადადებები და შენიშვნები არ ყოფილა.

ბიუროს სხდომა დაიხურა 11⁴⁰ საათზე.

საკრებულოს თავმჯდომარის
მოვალეობის შემსრულებელი:



რ.ბაღავაშვილი